



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XIII. Papst Jnnocenz II. bestätigt das schiedsrichtliche Erkenntniß des Bischofs Anselm von Havelberg über die Zehntfreiheit der Besitzungen des heiligen Moritz in der Brandenburgischen Diöcese, am ...

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

wardo episcopo praedicto suisque successoribus neque dux neque comes aut vicecomes aut magna vel parva persona hanc nostram imperialem concessionem audeat molestare vel infringere aut ibi negotiantes inquietare. Et ut hec nostra imperialis concessio nunc et in aevum stabili et inconvulsa permaneat, hanc cartam inde conscribi eamque manu propria, ut subtus videtur, corroborantes, sigilli nostri impressione iussimus insigniri. Acta XIII^o. Kl. April. indict. IV., anno dominicae incarnationis millesimo L^o. I^o., anno autem domini Hinrici regis tercii, secundi imperatoris ejus ordinationis XXII^o., regni XII^o., imperii V^o. Actum Spiraе feliciter. Amen.

Signum domini Hinrici, regis invictissimi, secundi Romanorum imperatoris.
Winitherus, cancellarius, vice Bardonis archicancellarii recognovi.

Nach dem alten Copiarie.

XII. Bischof Ludolph von Brandenburg legt der Kirche unserer Lieben Frauen zu Magdeburg über deren in seiner Diöcese befindliche Besitzungen die bischöflichen Rechte bei.
(Ohne Datum.) c. 1136.

Ludolfus, dei gratia Brandenburgensis Episcopus ecclesie, fratribus nostris tam futuris quam presentibus Notum esse volumus, quod dilecto viro Wiggero, Ecclesie S. Marie Preposito, potestatem & auctoritatem concedimus, fratres suos tam laicos quam clericos disponendi & vice nostra regendi & omnimodam curam habendi non solum in villa, que dicitur Gosle*), prefate ecclesie beate Marie in Magdeburg iam collata, sed et in aliis quibuslibet locis, vbis in diocesi nostra eidem ecclesie conferendis siue quocunque modo iuste aquirendis. Et ne quis hanc potestatem et auctoritatem a nobis concessam aut ignorare possit aut temerario ausu spernere presumat, sigilli nostri impressione firmamus & episcopali auctoritate ratam semper esse mandamus non solum ipsi, sed et ei, cui vice sua curam eorundem fratrum commiserit. Preterea etiam omnem decimationem in prefata villa Gosle et in cunctis ejus pertinentiis in usus fratrum in ecclesia beate Marie in Magdeburg Deo concedimus et ut eam quiete semper & integre possideant precipimus.

Ursache in dieser Form ohne Datum aus dem Cod. Msp. jur. civ. LXXVIII. der k. k. Hofbibliothek zu Wien (p. 22). Vgl. Ludewig Reliq. Manusc. II, 354.

XIII. Paps Innocenz II. bestätigt das schiedsrichterliche Erkenntniß des Bischofs Anselm von Havelberg über die Zehntfreiheit der Besitzungen des heiligen Moritz in der Brandenburgischen Diöcese, am 20. April 1139.

Innocentius Episcopus servus servorum Dei Venerabili fratri Chunrado Magdeburgensi Archiepiscopo ejusque successoribus canonice substituendis in perpetuum. Indignum est cum inter eas personas sibi discordia locum invenit, a quibus debent pacis et concordiae bona procedere. Idcirco concordiam de decimis fundi Ecclesiae B. Mauriti, quae in Brandenburgensi Ecclesia sita

*) Al. Boffe.

est, inter venerabilem fratrem nostrum Wigerum Brandenburgensem Episcopum et dilectum filium nostrum Gerardum Magdeburgensem Praepositum ejusque socios vice tua in eadem causa fungentes in nostro Lateranensi pallatio Chartae et atramento duximus committenda. Statutum est enim, quod tu venerabilis frater Chunrade Archiepiscopo ac fratres tui Episcopo Brandenburgensi et ecclesiae suae centum talenta Magdeburgensis monetae et totidem mansos terrae in eodem Episcopatu, uti laudaverit venerabilis frater noster Anselmus Episcopus, et Gerardus Magdeburgensis Praepositus, atque Arnoldus Abbas Bergensis pro bono pacis dabis atque tradetis, qui nimirum mansi tales existant, quod unusquisque eorum pro censu duos solidos solvet, praeter alias utilitates, qui nihilominus praefati Episcopi usibus cedent. In istis vero centum mansis villa Pecho connumerabitur, cum silvis, pascuis, pratis, aquis aquarumque decursibus infra terminos ejusdem villae, sane census ejusdem villae per viros fideles et timentes Deum computetur, et secundum justam numerationem de supra dictorum mansorum numero minuatur. Pro quibus omnibus Brandenburgensis Episcopus vobis et vestrae Ecclesiae deposita controversia pacem faciat, et de eadem quaestione decimarum fundi beati Mauricii culti vel inculti, quae in praesenti possides sive ad manum tuam Venerabilis frater Chunrade Archiepiscopo tenueris, sive aliis Ecclesiis haec ipsa concesseris, seu tui antecessores concesserint, omnimodis conquiescat. Nulli igitur omnino homini fas sit, te vel successores tuos super hac constitutione, salva tertia parte decimarum, quae plebanis debetur, temere perturbare, vel quamlibet vobis contrarietatem vel diminutionem inferre, vel eam infringere in aliquo vel mutare. Si quis autem hoc ausu temerario attemptare praesumpserit, secundo tertiove commonitus, nisi reatum suum satisfactione congrua emendaverit, potestatis honorisque sui dignitate careat, reumque se divino judicio existere de perpetrata iniquitate cognoscat, et a sanctissimo corpore ac sanguine Dei et Domini Redemptoris nostri Jesu Christi alienus fiat, atque in extremo examine districtae ultioni subjaceat. Conservantes autem intervenientibus beatorum Apostolorum Petri et Pauli meritis omnipotentis Dei gratiam et aeternae vitae praemia consequi mereantur, Amen. Ego Innocentius, Catholicae Ecclesiae Episcopus. Ego Conradus Sabienensis, Episcopus. Ego Gregorius, Diaconus Cardinalis Sanctorum Sergii et Pauli. Ego Albericus Hostiensis Episcopus. Ego Lucas, Presbyter Cardinalis Tit. Sanctorum Johannis et Pauli. Ego Chryzogonus, Presbyter Cardinalis Tit. Sanctae Praxedis. Ego Otto, Diaconus Cardinalis Sancti Georgii. Ego Guido, Diaconus Cardinalis Sanctorum Cosmae et Damiani juxta templum Romuli. Ego Diaconus Cardinalis Sancti Eustachii juxta templum Agrippae. Ego Gregorius, Diaconus Cardinalis Sancti Angeli. Ego Gerardus, Diaconus Sanctae Mariae in Dominica. Datum Laterani per manum Almerici Sanctae Romanae Ecclesiae Diaconi, Cardinalis et Cancellarii XII. Kalend. Maji Indictione II. Incarnationis Dominicae Anno MCXXXIX. Pontificatus nostri Domini Innocentii Papae II. anno decimo.

Agittar bei Boyßen II. 45.

XIV. Kaiser Friedrich I. bestätigt dem Bisthum Brandenburg seine Besitzungen und Zehnten, am 20. Juni 1161.

In nomine sanctae et individuae Trinitatis. Fredericus, divina favente clemencia Romanorum imperator et semper Augustus. Si piis fidelium nostrorum petitionibus exorabiles aures